

պետի վանաց եղեալ են 'ի վերայ հիման գործարանի օճառին, սեփնականութեան այլազգեաց, պատուիրել միաբանացն Հայոց կարճել զձեռս իւրեանց անտի: Իսկ Խաչատուր եպիսկոպոս, որ փոխանորդ էր յայնժամ Եղիազարու, չոքաւ առ դատաւորն՝ և առաջի արար զվաւերական գրեանս զոր ունէր վասն այնր, և նանրացոյց զամբաստանութիւնս նոցին եւ եցոյց Հրեշտակապետի վանաց լեալ 'ի ձեռս Հայոց 'ի վաղ ժամանակաց անտի, և ոչ եղեալ հիմն 'ի վերայ գործարանի օճառի: Եւ 'ի չհաճիլ ընդ այն ամբաստանողաց՝ եկին բազմութեամբ 'ի քննութիւն տեղւոյն, և դարձ արարեալ առ դատաւորն պատմեցին թէ 'ի զուր են ամբաստանութիւնք այլազգեաց, և նա յետ խափանելոյ զհակառակութիւնս նոցա, վերստին հաստատեաց զիրաւունս Հայոց, ՎՊՀ (1673):

Դատաւորն Երմուսղէմի՝ որ այն ինչ եկեալ էր՝ և կամէր երթալ յուխտ 'ի Բեթղեհէմ, և անտի 'ի Բերրոն 'ի գերեզման Հայր Աբրահամու՝ ըստ սովորութեան իւրեանց, ոմանք յայլազգեաց մատուցեալ առ նա՝ ամբաստան եղեն զմիաբանացն Հայոց, բարուրանս եղեալ 'ի վերայ նոցա: Իբր թէ հակառակ օրինաց նոցին չինեալ իցեն նոր եկեղեցիս 'ի գիւղն Բեթղեհէմի 'ի վանս իւրեանց, և կախեալ անդ զկանթեզս և զպատկերս, և զարդարեալ եկեղեցական սպասութեամբ՝ կատարել զօրէնս իւրեանց: Իրբեւ լուաւ դատաւորն զայսոսիկ՝ շարժեցաւ 'ի նախանձ մեծ, և տաղնապեալ ոգւով աճապարեալ փութաց 'ի պաշտպանութիւն օրինաց: Սակայն առաքեաց նախ զփոխանորդ իւր և զուսանս յայլազգեաց 'ի Բեթղեհէմ, քննել եւ խմանալ զեղեալսն և բերել զրոյց առ ինքն: Հասին նոքա անդ՝ ուր էր և Խաչատուր եպիսկոպոս փոխանորդ Եղիազարու, եւ տեսին զեկեղեցին՝ զոր շինեալ էր Գրիգոր Պարոն Տէր, և զորմս նորա կարի հնազոյն, և դարձեալ անտի պատմեցին դատաւորին: Իսկ նա վերստին եհարց ցնաչատուր վասն եկեղեցւոյն այնմիկ, և նորա պատասխանի արարեալ ասէ, 'ի սկզբանէ անտի սահմանեալ է այն 'ի պէտս աղօթից մերոց, որպէս գիտեն ամենայն այլազգիք քաղաքիս՝ և նա խնդրեաց առ այս վկայս յայլազգեաց, և նորա ժողովեալ զգլխաւորս նոցին յերմուսղէմէ և 'ի Բեթղեհէմէ,